

# ТРАКТОР

УДССР. Дебессы ВКП(б) Райкомлэн, Райисполкомлэн органы

5 июне 1937 аре | № 46 (582) | 7-ти арзэ потэ

## Беспечностез но буйгатсконэз быдтоно

2-ти июне районной парт-активлэн собраниез ортчиз. Собрание Молотов эшлэн ВРЕДИТЕЛЬСТВОЛЭН УРОК'ЭСЫЗ, ТРОЦКИСТСКОЙ НО МУКЕТ'ЭСЫНЫЗ ВРЕДИТЕЛЬ'ЭСЫН, ДИВЕРСАНТ'ЭСЫН НО ШПИОН'ЭСЫН НЮР'ЯС-КОНЫН АСЬМЕЛЭН ЗАДА-ЧАОСМЫ" НИМО - СТАТЪЯЕЗ ОБСУДИТЬ КАРЕМЫН.

Молотов эшлэн статьяез сярис доклад бере 11 мурт прениын вераськызы. Прениын вераськыс эш ёс ВКП(б) райкомлэсь но мукет организациосын кивалтис коммунист'эслэсь ужэс зол критиковать карызы.

Нимысьтыз ик почталэн чидантэм урод уж'эсыз сярис вераськызы. — Почта сярис трос вераськыском—шуэ Коробов эш—нош конкретной ужрад ум кутиське ВКП(б) райком почталэсь ужэз умоятон понна уг скулмаськы. Почтаын одйг коммунист но, комсомольской организация но өвёл, почтаын ужасьёс пöлын воспитательной уж уг нуиськы, соин ик дисциплина но ляб.

Тросэз прениын вераськыс'ёс партийной актив но куд оgez парторганизациос, тисё ю кизён бырем бере буйгатскизы шуса верало.

Куд-огез коммунист'ёс райкомлэн секретарез командировкае кошкем бере, заместителэз Перовщиковлэсь требовать карымтэзэ шöдыса, буйгатскизы—шуэ Корепанов. Сельпосы коммунист'ёс асьсэлэсь беспечностэсьс но разболтанностэсьс возматэ. Тауауров кадёс ю кизён дыр'я но нуналэс ресторанын пукуыса орчтыо.

Партийной актив но куд-огез первичной парторганизациос буйгатскемен, бер культура-

сыз кизён но пар гырон чидантэм ляб мынэ районым. Ю нянь октон-калтонлы дасяськон кутскымтэ на. Партийно-массовой уж озы ик али лябомытэмын шуса пус'из райпартактивлэн собраниез. Первичной парторганизациос агитатор'ёсын но газет лыдзисьёсын ужанэз вунэтисы. Газет'эсыз вöлдон, уката ик удмурт газет'эсыз вöлдон куашкамын. Нош первичной парторганизациос та ужлэн копка палэназ.

Партактивлэн собраниез возматис, что районной партийной собрание бере партийной уж трос өз умоя на. Политической беспечность но благодущие тросаз организациосын быдтымтэ на. Куд-огезлэн ужасьёслэн таёе малпанзы но вань: мар, пе, ар секыт ке но вал, тулыс ю кизёнэн мукет районлэсь бере өм кыле, значит, табере дыртонэз өвёл ни, можно буйгатскыны. Тазы малпась эш'эслэн йырзы поромемен, та эш'ёс кышкыт висёнэн — политической беспечностен висё.

Азинскон'эслэн вужер палзы сярис СТАЛИН эшлэсь верамзэ вунэтэно өвёл. ВКП(б) ЦК-лэн февральской пленумаз СТАЛИН эш шуиз: „ПОЛИТИКАЕЗ ТЫРМЫТ ВАЛАСЬТЭМ МУРТ'ЭСЛЫ БАДЗЫМЕСЬ АЗИНЛЫК'ЭС НО БАДЗЫМЕСЬ АЗИНСКЕМ'ЭС ЧЕМ ДЫР'Я БЕСПЕЧНОСТЬ, БЛАГОДУШИЕ, САМОДОВОЛЬСТВО, АСЛЫД АЧИД МУЛТЭС ОСКОН, ВЫЛТ'ЯСЬКОН, УШ'ЯСЬКОН КЫЛДЫТО“.

Хозяйственной азинскон'ёс политической уж нубытэк уг луо. Соин ик политической уезз кужмоятоно, политической беспечностез но буйгатсконэз быдтоно.

## Испанысь фронт'эсын

### Центральной фронт

30 мае мятежник'ёс французской выж дорын атака нуны кутскемын вал. Республиканец'ёс сое дугдытисы. Тахо шурлэн лымшор палаз но Толедо городлэн лымшор но шунды жужан палаз мятежник'ёс атака нуны турттисы. Соос республиканской войскоослэн линиязы пыр потыны ме-до вал. Со нокуёе пайда өз сёты.

30 мае мятежник'ёслэн артиллеризы Мадридлэсь центрээ но северной люкетсэ бомбардировать карыз. Бырны шедем'ёс трос, сбсырмем'ёс но вань.

Альто Де Леон секторын Мадрид дорысь 50 километр кемын 39 республиканской самолёт'ёс противниклэсь позициясэ бомбардировать карызы.

### Бискайской фронт

Аморребиета секторын мятежник'ёслэн атака нуэмэ дугдытэмын. Соослэн татчы туж трос калыксы быриз. Та секторын фашистской самолёт'ёс куинь гуртээ бомбардировать карызы. Бырны шедем'ёс трос ик өвёл.

### Астурийской фронт

Овиедо город дорын республиканской артиллерия военной заводээ бомбардировать карыз. Со сяна казармаос но мукет военной объект'ёс бомбардировать каремын на.

### Южной фронт

Республиканской войскоос 29 мае Пособланко городлэн лымшор палаз чугун сюресээ басытисы. Отын мятежник'ёслэн поезды пуштэмын. Со поезд военной ваньбур нуэ вилэм.

## Партийной дышетскон

### Партийной дышетсконлэн нырысь нунал'ёсэз

Районыстымы коммунист'ёсын партийной дышетскон арлы быдэ ортчылэ вал но, программалэн пумаз ноку ик өм вуылэ. ВКП(б)-лэн историез'я 1905 арозь вуыса дышетскон ар бырылиз. Вуоно аре нош ик со программа дышетскыны куткыса 1905 арозь ик дышетскылэм.

1937 аре ваньмыз партийной школаос дышетскон программасэз быдэстисы. ВКП(б) ЦК-лэн февральской пленумез'я, ВКП(б) райкомлэн бюроез партийной дышетскон кружок'ёслэ сьеть юнматис. Ленинизмлэсь основаосэз изучить карон мынам школаям, 10 мурт ды-

шетско. Соос пöлысь 5 мурт парторг'ёс, 2 мурт сельсовет председательёс, кылемезрядовой коммунист'ёс. Нырысь нунал'ёс ик коммунист'эслэсь мылкыдтэк дышетскемзэс возматис. Каракулов парторг кык-тэти нуналаз дышетсконсы пегэиз, нокинлы но өз вера. Озы ик Киров нимо колхозысь Ф. В. Гушин парторг дышетсконсы кошкис. Таёе сь факт'ёс мукет школаын но кружок'ёсын но шöдскылиз. Азпалан талы чиданэз өвёл. Партийной дышетсконлы умой дасяськыса, прогул лэсьтылтэк дышетсконо.

ВКП(б) райкомлэн инструкторез В. КОЛЕСНИКОВ

### Котыку ик бдительной луоно

Б-Кизня сельсоветысь „Большевик“ колхозын политдене ортчытэмын. Вредительстволэн урок'ёсыз, троцкистской но мукет'ёсыныз вредительёсын, диверсант'ёсын но шпион'ёсын нюр'ясыкынын асьмелэн задачаосмы сярис В. МОЛОТОВ эшлэсь статьяез политдене проработать каремын. Доклад бере 27 юан сэт'ямын, 13 мурт прениын вераськызы. Со бере колхозник'ёс решение юнматисы. Котыку

ик бдительной луса, колхозной производствын тушмон уж'ёс лэсьтыны нокузызы но өвёл лэзэно. Колхозной дисциплинаез юнматэно. Колхоз правленимылэн умойтэм уж'ёсыз шöдскыло. Ужамзы сярис отчетсэ кылкыса, кудзэ-огзэ воштылоно. Колхозник'эслэсь политической грамотностэс вылэ жутоно. Соин ик толэзлы кык пол политдене ортчы'яно шуса решение кутэмын.

А. Перовщиков

### Кизем юосыз вредительслэсь возмано

Тысё юос но етын кизыса быдэстэмн. Табере урожай басытомы ни шуса уноез буйгатскыса верасько. Таёе буйгатскон—вредной буйгатскон луэ. Сельской хозяйстволэсь тушмонэз—вредительсты колхоз'ёс вунэтисы.

Али шунит нунал'ёс луыса, етын пыш'ёс (дыняне блошки) кбжыосыз сиись слоник'ёс туж уно явиськызы. Таосын нюр'яскон өвёл ке ну-

но, вань кизем етнээ, кбжыез сиыса быдтозы. Соин ик ваньмызлы колхоз'ёсла та нуналысен ик куткыса зол-зол соосын нюр'яскон явано.

Кытын ке етын пыш'ёс явиськемын ни ке, блохоуловительёсын пыч'ёсты кутылыны кутсконо. Химикат'ёсын опыление лэсьтоно. Соы понна кремнефтористой натриез одйг га вылэ 10 килограмм опыление ор-

## Отличник'ёс

Уд—Лем НСШ-ысь 7-ти „В“ классын умой дышеткисьёс вань. Июлия Горячкина, Андрей Гушин но Аполенария Жданова, али испытания дыр'я зуч кылын диктант одйг ошибкатэк на „отлично“ гожтызы.

Июлия Горячкина но андрей Жданов письменной математикаен но „отлично“ ужзэс быдэстисы. Алексей Ефремов нырысетй четверте алгебраен „посредственно“ дышеткис, „испытания дыр'я „отлично“ сдать карыз.

В. Перовщиков.

## Алло, алло! Районо!

Районоын ужасьёс ма карыса меда но кытын уло? Толбыт жоже Нимошур НСШ-е роноысь нокин но өз вуылы. Пöясыкыса-а мара тулыс Корепанов гинэ вуыллиз. Испытаниос жожен бырозы ни, районолэн представительёсыз мидоры өз вуылэ на. Свидетельствоос но өвёл. Кытчыке ышылдизы-а мар-а соос? Алло, алло! Роно! Нимошур вераське. Чус. Роно уг кылы.

Волков

## Етнлы подкормка орчтытоно

Етнлы сюдон (подкормка) орчтытыны азлыо ик азотистой удобрениосты использовать кароно. Нырысь ик подкормка отын орчтытоно, кытын муз'ем уродгес кыедамо но кытын киземлэсь азлыо кыедан понымтэ. Етн пöлысь урод шакта турын'ёсты нырысь урем бере ик подкормка орчтытоно. Клевериша вылэ кизем етнээ соку гинэ сюдоно, куке отын азотэз ичи.

Селитра кыеданэз кизем уд вылытй огкадь пазяно, усваномарано өвёл. Селитраез пазянлэсь азлыо векчи посыса муз'емен яке умой куасьмем пырдэм торфен сураса пазяно. Тазы пазяса, селитра огкадь муз'ем вылэ усе но етын вылэ шедьыса сутэмлэсь тазы умой.

Подкормка орчтытыны умой дырен лыд'яське—жыгазе лысву усемлэсь азлыо яке зор азпалан. Амиачной селитраез пазяны норма 50—60 килограмм, монтан—селитраез—70—80 килограмм гектар вылэ. Кос нунал'ёсы селитраез вуэн сураса пазяно—киськано—350—400 ведра вуэ 60 килограмм поныса.

Кыкэттизэ подкормка, кыкэттизэ урон орчтытэм бере, сясыканы кутскон азлын (перед бутонизацией) орчтытоно.

Котыкудыз ик удобрение будись макелы пöртэм будон сётэ. Маке участокын калийной удобрени ой ке вал яке маке участокын етын туж зол урмыса ке будэ, соку татын одно ик калийной слалэн подкормка орчтытоно. Малы ке шуоно соин, урмыса ке етын будэ со пограныгес вутске. Соин ик сыче дыр'я сасыкаян люкан кутскон азлын калийной слалэн сюдон орчтытоно.

41 процент'ем калийной слалэз гектар вылэ 60—80 килограмм пазяно.

Калийной слал удалтонлыкэз гинэ уг жуты. Етын мертчанлэсь качествозэ 2—3 номерлы жутэ.

Подкормка орчтытонэ суперфосфат но мынэ. Етнлы со нырысь будон вакутаз туж-туж кулэ. Сое пазяно сыче муз'ем вылэ, кытчы киземлэсь азлыо пазямтэ яке туж ожит суперфосфат пазямын.

Кöняке суперфосфатсы колхоз'ёслэн вань, сое ваньзэ ик уже кутэно. Сое етын потыку яке нырысь урон орчтытэм бере внести карыса умой луэ. Пазяно—зор азпалан яке жыгазе. Гектар вылэ 1,5—2 центнер пазяно.

Кос нунал'ёсы суперфосфатэз муз'емен сураса гинэ пазяно яке вуэн сураса—150—200

килограммез 10 сюрс литра вуэн.

Тужгес умой подкормкаен кыед ву но тыло-бурдолэн пеллояськемез луэ. Кыед вуэз нырысь ик со участоке киськано, кытын муз'емен азотэз ичи но суперфосфатэз трос.

Гектар вылэ 8—10 тонна кыед вуэз киськано, сое нош вить пол трос вуэн сурано (1 ведра кыед вуэз 5 ведра вуэн). Нырысь урон орчтытэм бере киськаса умой луоно.

Тыло-бурдоослэсь пеллояськемзэс (птичий помет) умой валаса дасяно. Бочкае куиньмослэн одйгаз сое тырыса вуэн тырмытоно. Бочкаез умой умой пытсаа нуналлы быдэ суралляно. 5—6 нунал орчтыса, со вуэз 1 ведраэз 10 ведра вуэн сураса киськано. Гектар вылэ—5—10 центнер помет кулэ.

Котыку ик подкормкаез валаса орчтытоно: ку но мае внести кароно, етнлэн кыче удэз. Соин ик агроном'ёслы колхозник'ёсты валэктылоно.

Та удобрениосты ваньзэ ик басытыны шедьтоно. Государство коньдон сётэ. Нош кыед вуэз басытоно өвёл.

АГРОНОМ А. С. ВИНОГРАДОВ.

(„Социалистической земледелие“ газетысь вакчытыса гожтэмын).

## Тани кия'ёс куашкато газет вёлдонэз

Колхозник'ёслы дырыз-дыр'я газет'ёс уг вуо, куд-дыр'я газет'ёссы ышыло но. Почта урод ужа, со сярсы веранэз өвёл. Нош куд-огез первичной парторганизациос асьсэлэз бездействовать каремзэс но почта вылэ кушто. Ужало-а первичной парторганизациос газет вёлдон бордын? Шонерак верано луэ, тросэз та уялэ палэнкемын. „Юный пахарь“ колхозысь парткандидатской группаез басьтом. Татын газет вёлдонэн ужам гинэ өвёл, парторг Скобкарёв ачиз но газет уг басыты. „Юный пахарь“ колхозлэн ик правлениез письмоносеце синтэм кышномуртэ Протопоповаез вис'яллям. Протопопова газет'ёсыз колхозник'ёслы уг вутты, сельсоветысь вайыса колхоз правление куштэ но кельтэ. Озы газет бастысьёс газеттэм кылэ. Колхозлэн председателёз Хохряков но парторг Скобкарёв та уезд кулэ ик уг каро, потому что асьсэос газет уг басты но маке-а ма соослы колхозник'ёс.

### Поповлэн аслаз закон'ёсыз

Талэсь но урод ужпум „Красная колонна“ колхозын. Татын письмоносеце 12 арес-ем пиез юнматыллям. Попов

колхозлэн председателёз трос супылытыны яратэ, нош маке конкретной уж лэсьтоно ке, кызы мылыз потэ озы гинэ лэсьтэ, солэн ас понназ „закон'ёсыз“. Нош малы Попов а арес пиналэз гинэ газет нулыны уг ыс'я, 12 арес'емез колхозын ужасал оло? Сунцов парторг газет уг вутто, таце номерез ышем, өз вуттэ шуса кесяське, нош Поповлэсь аслаз „законэныз“ ужамзэ ке, уг адзы.

### Опарин газет „вёлдыны“ кутскем

27-тй мае парторг'ёсын но коммунист'ёсын газет вёлдон сярсы совещание вал. Та совещаниын таце уж шараяськыз: „1-й луч“ колхозэ 4 экзепляр гинэ газет вуэ, нош татын 130 хозяйстволэсь но трос гуртсы. Колхозлэн председателёз Опарин ачиз но газет уг басты. Дебессысь совещанысь бертэм безаз колхозысь одйг бригадаен собрание люказ. Газет вёлдон сярсы одйг кыл но өз поттылы. Собрание бырон азын письмоносец газет вёлдон сярсы вераськыны кутскем вал но, Опарин дугдытйз, тон, пе, газет вёлдон сяна вераськон кыл но уд шедтйськы. Тини кызы Опарин кадъ бумажной коммунист'ёс ВКП(б) райкомлэсь указанизэ быдэс'яло.

### Почтаысь шляпаос но бюрократ'ёс

Поштаысь но союзпечатьысь ужасьёс асьсэлэн бюрократической кабинетазы вырзылыны быгатонтэм пукон'ёсы борды керттылэмын. Письмоносец'ёсын кабинетысен, телефон пыр гинэ кивалто. Быдэс ар чоже татысь бюрократ'ёс одйг агенстволэсь но, кольцевиклэсь но ужэс проверить өвёл кариллям на.

Союзпечатен тодысьякысь Корепанов 2 толэзь гинэ, пе, ужасько но соин уезд умоятыны уг быгатйськы шуса вераське. Корепанов огшоры гинэ озы супылытэ. Гызмылтыса бергаменыз гинэ Корепанов ужаны уг быгаты.

Бюрократической кабинетазы ужаменызы ик 30 мурт письмоносец'ёс пёлысь вить мурт гинэ газет басты. Бюрократической аппаратын шляпаос ке ужало, оло ма но луэ. Чепыкысь тракторной отрядлы МТС газет выписать карем, нош почтаысен Верх-Чепыке адресоватэ кариллям. „1-й луч“ колхозысь письмоносецез 2 арня талэсь азыло проверить кари шуэ Корепанов. Нош кызы ужэ умоятыны юрттйд шуса юамлы, матысь нунал'ёсы юрттом-ай шуэ.

Союзпечатэ азылань но тазы ик ужал на ке, газет вёлдон ужалэ азинскемзэ возманэз ик өвёл.

## Бюрократической карусель

27 мае столовое сиськыны пыри. Талэсь азыло сельполэн отчетэз дыр'я, столовойлэсь ужэз умоятом шуса, сельполэн председателёз Иванов чыртыез кёсэктымон супылтйз. Ну, малпасько, табере столовойн усто дыр ини. Пырем берам жыны час пада копак паймыса пуки. Калык трос, жёк'ёс тырмемен, буфет дорын ог кызы вить мурт'ёс очередьын сыло. Со калык пёлти официанкаос шузи мем кадъ мыд-мыдланы бызыло. Ваче пумит мырыськыло, керетон но потто.

Официанкаос озы бызылэмысь, зол ужало, сион жог вуттозы шуса малпасько вал. Малпае огшоры гинэ луиз. Жыны час, час но пукисько ини, сфидианка дорам уг вуы. Зол-зол кутски: давйг шуисько сион, дыр өвёл 2 час чоже возмаса пукыны. Мон шорам кежак гинэ кескызы: Кыче, пе, тон адями, одйг час но пукыны уд чидаськы, калык кык часлэсь но ке ма пуко ини, номере но уг лу лало.

Пуки-пуки но дорам официанка вуиз. Менюэз кутыса свинина жуай, өвёл шуиз. Огийз милам официанкаен куспамы таце вераськон потйз: Мон юасько, со вера: — Гуляш вань-а? — „ёвёл“ — Шашлыкы? — „ёвёл“ — Баранина? — „ёвёл“. — Кофе? — „ёвёл“. Менюын гожьямын, нош сион өвёл. Шыд но битки гинэ кылем на. Нош та сион'ёсты сием ик уг поты, туж кузыт дасямын. Со сяна менюлен уляяз „калькулятор“ гожкемын на. Калькуляторез тожо сиизы нй

кожасько вал но, официантка ачиз вераны вуиз, кытын ке, пе, калькулятормы ветлэ на.

Пукыса-пукыса шыд ик бастытоно луи. Ой чиди, малы шыды таце кузыт шуса коасько. „Ох уд валаське—шуэ официантка—ведь сылал со дуно маке өвёл, ми шыдэ сылал трос ке но понйськом, солы дун ум бастыське“. Шыдме сийса ой быдты, пуны сёрам жыны метра ёрос йырси, оло, валбыж жутскиз. Копак пайми. Ма та маскара шуса официанткаослэсь юасько. Соос нош гор-гор серек'яны кутскизы. — „Ну и чудак, пе, тон адями, тындыд номере но уг яра, уд валаськы тон, йырси шедем но солы паймыськод, милам со бесплатное приложение, только менюэ гинэ гожтмтэ“.

Ну коть шыдме воштйзы ик но, отын дорам пукись калык'ёс тазы верасько: столовойн пе, таце уж'ёс нырысьсэ өвёл, чем дыр'я, пе, шыд пёлысь йырси но, стекло но шедылэ. Собрере куддыр'я сийськем колбасаен шыд но пёстыло, зыныз нырад медаз пыры шуса коть нырдэ чоксаса сиськы.

Ну, малпасько, карусель уга, та. Уезд умоятом шуса сельполэн ужасьёс супылыто, постановление, резолюция, протокол, акт гож'яло, чем-чем заседаниос лэстыло. Пумаз уг вуо, уж уг умоя, нош ик выльысь супылытыны кутско резолюция, но мукет... вераса но уд быдты, настоящей бюрократической карусель луэ.

Л. Ложкин, К. Ильин.

## МИЛЕМЛЫ ГОЖТО

### Мае учке сельсовет

Тольен сельсоветысь „Маевка“ но „Политотделец“ колхоз'ёсын противопожарной ужпум туж урод пуктэмын. Пожарной сарайысь тйрлык куашкамын, машинаос ужало-а уг-а, эскерымтэ. Куазь кемалась көс луиз ни, төло улэ. Нош пожарной сарайысь бочкаосы ву өз шедылы на. „Политотделец“ колхоз пожарное возмаськысь мырдэм ветлйсь адямиез пуктйз но адямизы гуртаз улэ. „Маевка“

колхоз но 75 арес старикез возмаськыны пуктйз. Колхоз правлениеслэн противопожарной уезд пуктон сярсы тодазы ик уг лыктылы.

А нош сельсовет кытын? Тольен сельсоветлэн председателёз Ложкин вообще интересоваться уг кариськы, малэстйське колхоз'ёсын. Нош противопожарной ужпум Ложкинлы совсем кулэ өвёл!

Т. Б.

### Ревкомиссиез сайкатоно

Шуралуд сельсоветысь „Пролетарий“ колхозын 1935 ар дырысь—кык ар но жыны ини ревизия ой на вал. Малэстйське колхозын тодысь өвёл. Нош колхоз правление

но счетовод ласянь ю-нянез тус-тас карон факт'ёс вань. Райзо сайкатоз дыр „Пролетарий“ колхозысь ревкомиссиез.

Колхозник'ёс.

Ж. В. Лисов.



—Тйляд „Пролетарий“ колхозын ку борысь ревизия вал?  
—Со сярсы колхозын кема улйсьсэлэсь юалэ, мон куйнетй арэз гинэ ужасько на ай.

### 5200 манетлы выигрыш'ёс тырмеын ни

Кыктэти пятилетка заемлэн нырысь тиражез'я Дебессысь сберкаскаен 5200 манетлы шудон'ёс (выигрыши) тырмеын ни. Нырысь нуналэ 3840 манет тырмеын. Куд-огез 1000 манет утйзы, куйн мурт быдэн 200 манет утиллям, 4 мурт быдэн 150 манет но мар.

### ОБЛИГАЦИОСТЫ КИУЛТИЗ

„Красный май“ колхозысь счетовод В. Н. Калинин большой жулик. Колхозник'ёслэн заемлы тырем коньдонэнызы Сюрногурт сельсоветысь 1560 манетлы облигациосты бастыса киултиз. Колхозник'ёс коньдон тыризы но облигациос өз басты, Калинин жулик соосты бастйз. Судебно-следственной орган'ёслы та уезд эскерыса, Калинин ответственность улэ кыскемын луыны кулэ.

Поздеев

### „ЗАВТРАКЕН“ СЮДО

Райисполкомлэн секретарезлы Малыхлы 100 манет осовави-ахимской билет'ёсты вузаны сётэмын вал. Малых билет'ёсты вузам коньдонэз осовави-ахимлы уг с'ты, ялан чуказе сёго шуса „завтракен“ сюдэ. Колхозной театрысь Косолаповлы но 100 манетлы сётыса, коньдонэз но облигациез но берыктымтэ.

П. К. Б.



Тазы сельполэн ужасьёс бюрократической карусельнын зечыраса ог шоры супылытыса, резолюциос, постановлениеос но протокол'ёс гож'яса гинэ общественной питаниез умоятон понна „нюр'ясько“.

### Жуликлы редакциын инты өвол

Ложкин Виктор „Трактор“ газетлэн редакцияз Массовик лусата ужаз. Ложкин ас уженыз өз шонерскы. Массовой ужнуон интые жульничать карыны кутскиз. Колхозник'ёслэсь но служашой'ёслэсь коньдонэз газетлы гожкем понна басты но почтае уг сёты. Колхозник'ёс вите, газет уг вуы. Ас бервылэз ыштон понна квитанциосэ подделатэ карылэм. Озы газетлы гожкем коньдонэз 93 манет киултэмэз шараямын ни, оло эшшо но вань на. Соин ик, кинлы Ложкин газет выписать карылйз но уг ке вуы, та нуналэ „Союзпечате“ (почтае) но редакции ивортэ. 29 майысен Ложкин редакциын ужамысь уллямын.

Редакция.

### Тушмонлэсь агентсэ шымыртытэк овал кельтоно

Молодая республика“ колхозысь колхозник Жуйков Иван Петрович бакча кенерзэ кулэз'я өвёл тупат'ям но, бакчаз колхозной фермаысь парсь пырем. Жуйков колхознон парсез вииз. Та тушмонлэн агентэзлы парсь виемэн гинэ уг тырмы, вань пудоез фермаысь быдтоно шуса кесяське, олокыче кыл'ёсын орденоноска Будина эшез сант'яса куаретэ. Судебно-следственной орган'ёслы тушмон агентэз ки котыразы кутано.

Перо.

Редантор И. ПРОТОПОВ